

巫山縣志卷二十一

置郵志

子輿氏言置郵傳命置郵者即今之舖遞也按古制置長郵短故馬遞曰置步遞曰郵又緩則逐舖遞急則馬遞類皆傳命取其速也巫邑當蜀楚要衝文報往來實繁且劇自水驛廢站船改為救生船而舖遞之設由此益重矣志置郵

驛站 工食草料雜項銀兩俱在地丁銀內扣支

每馬一匹日支草料銀六分每歲應支銀三十一兩六

巫山縣志

卷二十一

置郵

錢除扣小建三錢六分每歲實支銀二十一兩二錢四分遇閏加增

馬夫一名管馬二匹每名夫日支工食銀四分八釐每

歲應支銀一十七兩二錢八分除扣小建二錢八分八

釐每歲實支銀十六兩九錢九分二釐遇閏加增

扛夫一名日支工食銀二分每歲實支銀七兩二錢小

建不扣

補倒斃馬每十匹歲加三匹每匹領銀八兩繳皮臙銀

五錢并裁扣草料銀按日解繳

每馬一匹添修棚廠槽鋤銀一兩四錢二分

巫山縣小橋驛東至湖北巴東縣一百里西至奉節縣一百六十里原設站馬八匹馬夫四名康熙五十一年抽調馬二匹馬夫一名添設旌陽驛雍正八年又調馬三匹馬夫一名半安設奉節縣實在馬三匹歲支草料銀六十三兩七錢二分馬夫一名半歲支工食銀二十五兩四錢八分八釐買補馬一匹歲支價銀八兩棚廠槽鋤歲支銀四兩二錢六分 以上歲支銀一百零一兩四錢六分八釐因山路崎嶇馬難行改雇健夫四名

巫山縣志

卷二十一

置郵

二

舖遞

衝途每舖設司兵四名次衝每舖設三名偏僻每舖設二名每名每年給工食銀六兩不扣小建遇閏加增銀五錢在於各州縣地丁銀內扣支

巫山縣底塘舖 在縣城 七星舖 在縣東十里

漢坪舖 在縣東二十五里 仙女舖 在縣東三十五里

三會舖 在縣東四十五里 白水舖 在縣東六十里

關坪舖 在縣東七十里 九鎮舖 在縣東九十里

界嶺舖 在縣東一百一十里交湖北巴東縣界

赤溪鋪

在縣西二十里

朝陽鋪

在縣西三十里

天池鋪

在縣西四十里

十里鋪

在縣西五十里

哨樓鋪

在縣西七十里

額設鋪司兵四十二名每名工食銀六兩共歲支銀二

百五十二兩咸豐四年奉文裁撤巫山係有驛地方酌

留二成支給捐幫驛馬之用

巫山縣志

卷二十一

置郵

三

一〇六